

REPUBLIKA E SHQIPERISE
DEGA VENDORE E NOTERISE TIRANE

Nr. 1340 Rep.

Nr. 631 Kol.



AKT THEMELIMI & STATUT

I SHOQERISE « BLACKSILK » shpk, TIRANE

Sot me date 12 Shator 2019 (dy mijë e nentembedhjetë), para meje Noter Muli Y. MALLKUÇI, Anetar i Degës Vendore të Notereve Tirane, me Zyre në Rr. "Vaso Pasha", Pall. 13/1, u paraqiten personalisht:

Z. Ardit LUSHKA, lindur me 17.02.1996, në Prishtinë, banues në Tiranë, me zotësi të plote juridike e për të vepruar, për identitetin e të cilit u sigurova nga letërnjoftimi personal nr J60217041E.

Z. David Wilhelm STRATMANN, shtetas italian, lindur me 01.10.1980, në Angera, banues në Itali, me zotësi të plote juridike e për të vepruar, për identitetin e të cilit u sigurova nga Pasaporta italiane me nr YA4186173.

Z. Georges BERNARD STRATMANN, shtetas gjerman, lindur me 18.12.1949, në Stiring-Wendel, banues në Gjermani, me zotësi të plote juridike e për të vepruar, për identitetin e të cilit u sigurova nga Pasaporta gjermane me nr A2882185.

Te cilet në cilesinë e "Ortakeve Themelues", redaktojnë këtë Akti Themelimi & Statut, nëpërmjet të cilit deklarojnë se, me vullnet të lire, të plote e të sinqerte dhe inisiativën e lire private, mbështetur në Kushtetutën e Republikës së Shqipërisë dhe Kodin Civil në fuqi, në Ligjin nr. 9901 date 14.04.2008, "Për Tregtarët dhe shoqëritë tregtare", në Ligjin Nr. 9723 date 03.05.2007 "Për Qendren Kombëtare të Regjistrimit", në atë Doganor, Fiskal e Tatimor, krijojnë shoqërinë tregtare, me përgjegjësi të kufizuar, "**BLACKSILK**» shpk, Tiranë.

Neni 1

Krijimi

Shoqëria "**BLACKSILK**" shpk, Tiranë, është person juridik i të drejtës shqiptare, Shoqëri me përgjegjësi të kufizuar (me poshtë e quajtur "Shoqëria").

Neni 2

Personaliteti juridik

Shoqëria fiton personalitetin juridik pasi të jetë regjistruar në QKR, në përputhje me kushtet dhe procedurat e parashikuara me ligj.

Shoqëria, pasi të ketë fituar personalitetin juridik, është përgjegjëse ndaj të tretëve për detyrimet dhe dëmet e shkaktuara gjatë veprimtarisë së saj.

Shoqëria “ **BLACKSILK** ” shpk , Tirane, është nje e tille, kapitali i së cilës ndahet në kuota dhe që themelohet nga ortaku i vetëm që përballon humbje vetëm deri në kufirin e vlerës së kontributit të tij në kapitalin themeltar.

Neni 3

Selia

Shoqëria e ka seline ne: Rr “Llambi Bonata”, pall. 48, Shk. 1, H.1, Tirane.

Shoqëria mund te ndryshoje seline e saj, te hape zyra perfaqesije, dege, te krijojë filiale, si brenda ashtu edhe jashte Republikës se Shqipërisë, vetëm me vendim te Asamblese se Ortakeve.

Neni 4

Objekti i veprimtarisë

Shoqëria “ **BLACKSILK** ” shpk do te ushtroje aktivitetin e saj tregtar ne fushen e kontabilitetit, konsulencave te ndryshme financiare, sherbime te ndryshme ne fushen ekonomiko-financiare, import-eksport mallrash te ndyshem qe sherbejne per ndertim, ushqim, veshmbathje, Hoteleri-Turizem, Bar, Restorant, piceri, Kend lodrash dhe argetimi per femije, pishine, ambjente argetimi dhe fitnes, shitje-blerje me shumice te produkteve ushqimore, shitje-blerje pasuri te paluajteshme, etj.

Neni 5

Kohezgjatja

Shoqëria do te zhvilloje aktivitetin e saj per nje periudhe kohore te papercaktuar, duke filluar nga data e regjistrimit ne Qendren Kombetare te Regjistrimit (QKR).

Neni 6

Kapitali themeltar

Kapitali themeltar i shoqërisë është 10.000Lekë dhe është i ndare në 3 (kuota) pjesë, vlera nominale e të cilës është:

Z. Ardit LUSHKA, i cili zoteron 1 (nje) kuote, me vlere te pergjithshme 200Leke (dyqind mije), qe perbejne 2% (dy perqind) te kapitalit themeltar te shoqërisë.

Z. David Wilhelm STRATMANN, i cili zoteron 1 (nje) kuote, me vlere te pergjithshme 200Leke (dyqind), qe perbejne 2% (dy perqind) te kapitalit themeltar



te shoqerise.

Z. Georges BERNARD STRATMANN, i cili zoteron 1 (nje) te kuote, me vlere te pergjithshme 9.600 Leke (nentemije e gjashteqind), qe perbejne 96% (nentedhjete e gjashte perqind) te kapitalit themeltar te shoqerise.

Pjesët e kapitalit themeltar nuk mund të përfaqësohen nga letra me vlerë të tregtueshme dhe as me kontribute në shërbime.

Ortaku pergjigjet per humbjet e shoqerise perkundrejt te treteve deri ne vleren e kontributit te tij ne kapitalin themeltar te shoqerise.

Neni 7

Zmadhimi dhe zvogelimi i kapitalit

Kapitali i shoqerise mund te zmadhohet nepermjet nënshkrimeve të pjesëve të kapitalit themeltar për kontributet në para dhe me anë të kontributeve në natyrë, nepermjet emerimit nga gjykata kompetente e nje eksperti te autorizuar per keto kontribute ne natyre sipas kërkesës së administratorit.

Zvogëlimi i kapitalit realizohet me vendim te Asamblese se Ortakeve në të njëjtat kushte që kërkohen për ndryshimin e statutit. Projekti i zvogëlimit të kapitalit u komunikohet ekspertëve kontabël të autorizuar, në rast se ka të tillë, të paktën 45 ditë përpara datës së mbledhjes së Asamblese se Ortakeve të thirrur për të marrë vendim rreth këtij projekti.

Zvogëlimi i kapitalit themeltar në një vlerë më të vogël se ajo e përcaktuar në nenin 5 te ketij statuti, e bën të detyrueshme marrjen e një vendimi prej shoqërisë për zmadhimin e kapitalit themeltar të paktën deri në vlerën minimale. Në të kundërt shoqëria duhet të shndërrohet në një formë tjetër. Në rast moszbatimi të kërkesave të këtij paragrafi, çdo personi interesuar mund të kërkojë në rrugë gjyqësore prishjen e shoqërisë. Kjo prishje nuk mund të shpallet, në qoftë se rregullimi është bërë në ditën kur gjykata mblidhet për të marrë vendim.

Neni 8

Transferimi i kapitalit

Pjesët e kapitalit themeltar mund tu transferohen personave të tretë që nuk bëjnë pjesë në shoqëri, vetëm me miratimin e Asamblese se Ortakeve, ato mund te transferohen (tjetersohen) me Kontrate Shitje dhe me Kontrate Dhurimi.

Neni 9

Organi Vendimmarres

Asambleja e Ortakeve eshte organi i vetem vendimmarres i shoqerise.

Asambleja e Ortakeve eshte organi i vetem vendimmarres i shoqerise qe miraton



cdo ndryshim te statutit sipas modaliteteve te percaktuara ne ligj.

Asambleja e Ortakeve brenda një afati prej gjashtë muajsh, duke filluar nga data e mbylljes së vitit financiar, miraton raportin e administrimit, inventarin, bilancin dhe llogaritë vjetore, të hartuara nga administratorët,

Ai mund të përfaqësohet edhe nga një tjetër person.

Asambleja e Ortakeve merr vendim me 51% (pesedhete e nje) te pjeses te pergjitheshme te ortakeve.

Neni 10

Ndryshimet e Statutit

Ndryshimet e statutit vendosen nga Asambleja e Ortakeve.

Cdo ndryshim statuti duhet te depozitohet prane QKR per te pasqyruar ndryshimet ne skeden e shoqerise.

Neni 11

Administrimi

Administrator i shoqerise do te jete **Z. Georges BERNARD STRATMANN**, lindur me 18.12.1949, me Pasaporte gjermane me nr A2882185, per nje afat prej 5 vjetesh.

Administratori emerohet dhe shkarkohet me vendim te Asamblese se ortakeve te shoqerise.

Neni 12

Kompetencat

Administratori ka të gjitha kompetencat për të vepruar në marrëdhënie me të tretët në emër të shoqërisë, në të gjitha rrethanat me përjashtim të kompetencave që ligji ia jep shprehimisht ortakut te shoqerise.

Administratori angazhon shoqërinë në marrëdhëniet me të tretët nëpërmjet akteve që janë në përputhje me objektin e saj.

Shoqëria nuk merr përsipër pasojat ndaj të tretëve kur ajo provon se të tretët e dinin që akti I administratorit e kalonte objektin e shoqërisë ose kur të tretët nuk mund ta injoronin këtë akt në rrethanat e dhëna, duke patur parasysh faktin se vetëm shpallja e statutit nuk është provë e mjaftueshme.

Klauzolat e ketij statuti që kufizojnë kompetencat e administratorit, të cilat rrjedhin nga ky nen, duhet të respektohen nga të tretët.

Administratorit ose ortakut që nuk janë persona juridikë nuk u lejohe të kontraktojnë në çfarëdolloj forme qoftë, të marrin hua te shoqëria, të japin pëlqimin në emër të saj, për paradhënie si dhe të bëhen dorëzënës apo të garantojnë në emër të saj angazhimet ndaj të tretëve. Në rast të kundërt kontrata është e pavlefshme.



Neni 13

Pergjegjesite

Administratori eshte pergjegjës individualisht, ndaj shoqërisë ose ndaj të tretëve, për shkelje të ligjeve, për shkelje të statutit, apo për faje të kryera gjatë administrimit të shoqërisë.

Pasojat e marrëveshjeve të pamiratuara nga ortaku i vetem që i sjellin dëm shoqërisë, i ngarkohen administratorit që ka bërë marrëveshjen, për të përballuar në mënyrë individuale pasojat përkatëse.

Përveç padisë për shlyerjen e dëmit që i ngarkohet personalisht administratorit, ortaket kane të drejtë të ngrenë padi penale kundër administratorit

Ortaket kane të drejtë të ndjeke në rrugë ligjore shlyerjen e plotë të dëmit që i është shkaktuar shoqërisë, përfshirë edhe dëmshpërblimin financiar, nëse është e nevojshme.

Ortaket që nuk jane administrator, kane të drejtë në çdo kohë të informohen personalisht për veprimtarinë e shoqërisë dhe të njihet me llogaritë dhe dokumentet e shoqërisë.

Neni 14

Viti Financiar

Viti financiar i Shoqërisë fillon me 1 Janar dhe perfundon me 31 Dhjetor. Perjashtimisht, viti i pare financiar fillon nga data e regjistrimit te shoqërisë ne QKR dhe mbyllet me 31 Dhjetor.

Neni 15

Bilanci i shoqërisë dhe dividendet

Brenda 6 muajsh nga mbyllja e vitit financiar, Mbledhja e Asamblese se Ortakeve miraton bilancin e paraqitur nga Administratori.

Mbledhja e Asamblese se Ortakeve vendos rreth shperndarjes se dividendit, pasi te jene zbritur humbjet e vitit te meparshem financiar, siç edhe parashikohet nga ligji.

Neni 16

Ekspertet

Eksperti ka per detyre qe të kontrolloje të gjithë dokumentacionin kontabel të veprimtarisë ekonomiko tregtare të shoqërisë, ate gjithëvjetor dhe ate ne lidhje me kontrollet periodike të ushtruara prej tij per rastet kur ai eshte ngarkuar dhe ka kryer nje gje të tille i ngarkuar nga ana e ortakut të vetem.



Ne perfundim të kontrollit eksperti kontabel i autorizuar pergatit raportin me shkrim per nxjerrjen e rezultatit të bilancit financiar vjetor si dhe per ate per kontrollet periodike të ushtruara, të cilat eshte i detyruar qe t'ja paraqese e dorezoje ne kohe ortakut per t'i shqyrtuar e miratuar mbi bazen e të drejtes vendimore qe ka.

Neni 17

Bilanci Kontabel vjetor, miratohet mbi bazen e vendimit me shkrim nga ortaku i vetem, i cili jo vetem qe dokumenton miratimin e tyre por vendos ne lidhje me disponibilitetin e fondeve ligjore sipas nevojave të zhvillimit të metejshem të shoqerise dhe garantimin e veprimtarise se rregullt të saj, duke pasur parasysh fondin e akumulimit, krijimin e fondit të vecante etj.

Neni 18

Të ardhurat neto (Dividenti) qe mbeten pas vecimit të fondeve ligjore të mesiperme dhe të atyre per shlyerjen e cdo detyrimi fiskal apo likuidimin e pagesave ndaj të treteve, i mbesin dhe i kalojne ne pronesi, ortakeve të shoqerise.

Neni 19

Shperndarja ose prishja e shoqerise mund të behet ne cdo kohe dhe per cfaredo shkak, edhe para plotesimit të afatit per të cilen eshte krijuar sic mund të jene : Humbja e kapitalit ose pamundesia e vazhdimit të metejshem të veprimtarise se saj.

Ne nje nga menytrat e parashikuara nga ligji " Per Falimentimin e Shoqerive Tregtare"

c) Kur plotesohet afati i caktuar per ushtrimin e veprimtarise tregtare.

Ne kete rast Asambleja e Ortakeve merr vendim me shkrim ne të cilin parashikon menyren e likuidimit të shoqerise, duke caktuar 1 apo disa likuidatore dhe shenuar ne cdo dokument të nxjerre prej tij emrin e likuidatorit dhe emertesën shtese " Shoqeri ne likuidim e siper ".

Neni 20

Bashkimi dhe ndarja

Shoqëria, me anë të bashkimit, mund t'i kalojë trashëgiminë e saj një shoqërie ekzistuese ose një shoqërie të re që ajo themelon.

Shoqëria gjithashtu me anë të ndarjes mund t'i kalojë trashëgiminë e saj disa shoqërive të tjera ekzistuese ose disa shoqërive të reja.

Ortaku i shoqërise, që bën kalimin e trashëgimisë së saj në kuadrin e operacioneve



të përmendura me lart përfiton pjesë të kapitalit themeltar nga shoqëria ose shoqëritë përfituese dhe sipas rastit një kompensim me para, vlera e të cilit nuk mund të kalojë 10 për qind të vlerës nominale të pjesëve të kapitalit themeltar të dhëna.

Operacionet e përmendura me lart mund të realizohen ndërmjet shoqërive të formave të ndryshme.

Bashkimi ose ndarja sjell prishjen pa likuidim të shoqërise që zhduket, dhe kalimin e plotë të trashëgimisë së saj të shoqëritë përfituese, në gjendjen në të cilën ndodhet kjo trashëgimi në datën e realizimit përfundimtar të operacionit. Bashkimi ose ndarja sjell njëkohësisht për ortakët e shoqërive që zhduken marrjen e cilësisë së ortakëve të shoqërive përfituese sipas kushteve të përcaktuara në kontratën e bashkimit ose ndarjes.

Neni 21

Afati i emerimit të likuidatorit, publikohet sipas kushteve që parashikon ligji perkates duke specifikuar dhe dokumentat që duhen depozituar ne QKR.

Neni 22

Likuidatori eshte i detyruar që të jete i vemendshem dhe korekt, si për realizimin e të drejtave për subjektet ndaj të cileve shoqëria eshte kreditore dhe për ekzekutimin e detyrimeve debive që shoqëria ka ndaj shtetit, shtetasve të vecante apo personave fizik apo juridik vendas apo të huaj.

Neni 23

Baza Ligjore

Shoqëria do të zhvillojë aktivitetin e saj në përputhje të plote me këte statut dhe dispozitat e legjislacionit shqiptar.

Për sa nuk parashikohet në këte statut, do të zbatohen dispozitat e ligjit për QKR, Kodit Civil dhe çfaredo ligji tjetër specifik në Republikën e Shqipërisë.

Neni 24

Mosmarreveshjet

Për mosmarreveshjet që mund të lindin në lidhje me zbatimin apo interpretimin e këtij statuti, si dhe për çdo mosmarreveshje që mund të lindë midis Shoqërisë dhe të tjerëve, do të jete kompetente Gjykata Shqiptare.

Neni 25

The image shows several handwritten signatures and initials in black ink. On the left, there are two distinct signatures. To their right, there is a long, sweeping signature that extends across the width of the page. The handwriting is cursive and somewhat stylized.

Dispozita perfundimtare

Ky Akt Themelimi & Statut, u redaktua ne 3 ekzemplare me permbajtje dhe vlere te njejta juridike, ne gjuhen shqipe dhe pasi miratohet ne parim dhe nen per nen nga ne Ortaket Themelues te shoqerise tregtare " **BLACKSILK** " shpk, Tirane.

Neni 26

Depozitimi

Kete akt -themelimi ta aplikojte per pajisje me NUIS prane Qendres Kombetare te Biznesit, Zj. **Shpetim Memetaj**, 04.09.1959, me leternjoftim nr.personal F90904111P.

Ky Akt Noterial, u redaktua ne 3 ekzemplare me permbajtje dhe vlere te njejta juridike, ne gjuhen shqipe ne prani te perkthyesit te zgjedhur prej ortakeve Z. Shpetim Memetaj, dhe pasi miratohet ne parim dhe nen per nen nga Ortaket Themelues te shoqerise tregtare " **BLACKSILK** " shpk, Tirane, nenskruhet rregullisht para meje dhe une noteri e vertetoj sipas ligjit.

ORTAKET

Ardit LUSHKA

Ardit Lushka

David Wilhelm STRATMANN

David Wilhelm Stratmann

Georges BERNARD STRATMANN

Georges Bernard Stratmann

Perkthyes

Shpetim Memetaj

Shpetim Memetaj

[Signature]

NOTER

Muli Y.MALLKUÇI

[Signature]